



Jorunn Haugen Kvalvågnes
Kvalvågnesvegen 682
5956 HUNDVIN

Referanser:
Dykkar:
Vår: 22/458 - 23/38226

Saksbehandlar:
Tone Furustøl
tone.furustol@alver.kommune.no

Dato:
16.05.2023

Avvist klage på krav om omgjeriing av vedtak om rammeløyve og næringsseksjonering av parkeringsareal - gbnr 188/757 gjervik ytre

Administrativt vedtak: Saknr: 507/23
Tiltak:
Byggjestad: Gbnr: /
Tiltakshavar:
Ansvarleg søkjar:

VEDTAK:

Klage datert, 25.04.2023 vert avvist med heimel i forvaltningslova (fvl.) § 33 andre ledd tredje punktum, då klagen ikkje gjeld eit enkeltvedtak, jf. fvl. §§ 28 første ledd og 2 bokstav b).

Saka gjeld

Alver kommune viser til klage datert, 25.04.2023, på kommunen si avgjerd av 24.04.2023 om å ikkje ta krav om omgjeriing av vedtak om rammeløyve og næringsseksjonering for parkeringsareal til følge – gbnr 188/757 Gjervik ytre.

Det er ønskeleg med ei juridisk utgreiing av kravet til tal parkeringsplassar og gjesteparkeringsplassar for bustadblokka.

Rettsleg utgangspunkt

Det går fram av forvaltningslova (fvl.) § 28 første ledd at det er klagerett på «enkeltvedtak», jf. fvl. § 2 bokstav b), der klage er fremja av ein «part» eller person med «rettslig klageinteresse» i saka. Vidare går det fram av fvl. § 33 andre ledd tredje punktum at klage skal avvist dersom vilkår for å handsame klage ikkje ligg føre.

Vurdering

Klagar har klagt på kommunen si avgjerd av 24.04.2023 om å ikkje ta krav om omgjeriing av vedtak om rammeløyve og næringsseksjonering for parkeringsareal til følge – gbnr 188/757 Gjervik ytre.

Spørsmålet er om avgjerda av 24.04.2023 er eit enkeltvedtak som kan klagast på etter reglane i forvaltningslova kapittel VI. Det følgjer av avgjerda av 24.04.2023 at «Avslag på krav om omgjerding eller ny vurdering vert ikkje rekna som enkeltvedtak etter forvaltningslova (fvl.) § 2 bokstav b), og kan ikkje klagast på etter reglane i forvaltningslova kapittel VI.»

Konklusjon

Det er på det reine at vilkår for klage ikkje er oppfylt. Avgjerda av 24.04.2023 om avslag på krav om omgjerding eller ny vurdering vert ikkje rekna som enkeltvedtak etter forvaltningslova (fvl.) § 2 bokstav b), og kan ikkje klagast på etter reglane i forvaltningslova kapittel VI.

Klaga vert avvist med heimel i fvl. § 33 andre ledd tredje punktum, som viser til at sak skal avvist dersom vilkår for å handsame sak ikkje ligg føre.

Mynde

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegeringsreglement.

Klagerett

Vedtaket er eit enkeltvedtak etter reglane i lov om offentlig forvaltning (fvl) § 2 3.ledd. Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Med vennleg helsing
Alver kommune, Miljø og tilsyn

Eirik Berntsen
Avdelingsleiar

Tone Furustøl
Rådgjevar

Dette dokumentet er elektronisk godkjent og har difor ingen signatur.

Kopi til:

Nils Gullak Kvalvågnes	Kvalvågnesvegen 682	5956	HUNDVIN
------------------------	---------------------	------	---------

Mottakarar:

Jorunn Haugen Kvalvågnes	Kvalvågnesvegen 682	5956	HUNDVIN
Nils Gullak Kvalvågnes	Kvalvågnesvegen 682	5956	HUNDVIN